

Bhikkhunī Pātimokkha Pāḷi

Edited by Bhikkhu Ñāṇatusita

Also published as Appendix No. 2 in *Buddhist Nuns*, Dr. Mohan Wijayaratna, Buddhist Publication Society, Kandy, 2010.

Copyright © Bhikkhu Ñāṇatusita, Forest Hermitage, Kandy.

Abbreviations

CS: *Dvemātikāpāli*, *Bhikkhunīpātimokkhapāli*, Sixth Council edition, preceding the *Kaṅkhāvitaraṇī* on the Chaṭṭha Saṅgāyana CD-ROM, Version 3.0, Vipassana Research Institute, Igatpuri, 1999.

Cv: Rerukānē Chandavimala Thera, *Ubhaya Prātimokṣaya*, Colombo, 1956.

Mun: G. F. Munasingha, *Bhikṣuprātimokṣaya saha Bhikṣuṇīprātimokṣaya*, Hunupitiya, 1914.

Per: W.S. Perera, *Bhikṣuprātimokṣaya saha Bhikṣuṇīprātimokṣaya*, Brandiyawatta, 1895.

Pruitt: *The Pātimokkha*, edited by William Pruitt, Oxford, 2001.

Se Vibh: *Bhikkhunī Vibhaṅga*, Royal Thai edition as given on Budsir IV CD-ROM, Bangkok, 1997.

Bhikkhunīpātimokkha¹

Namo tassa bhagavato arahato sammā sambuddhassa

Sammajjanī padīpo ca, udakaṃ āsanena ca

Uposathassa etāni, pubbakaraṇaṃ ti vuccati.

Chandapārisuddhi-utukkhānaṃ, bhikkhunīgaṇaṇā² ca ovādo

Uposathassa etāni, pubbakiccaṃ ti vuccati.

Uposatho yāvatikā ca bhikkhuniyo kammappattā

Sabhāgāpattiyo ca na vijjanti

Vajjanīyā ca puggalā tasmīṃ na honti

Pattakallaṃ ti vuccati.

Pubbakaraṇapubbakiccaṃ samāpetvā desitāpattikassa samaggassa bhikkhunīsaṅghassa anumatiyā pātimokkhaṃ uddisitum ārādhaṇaṃ karomi.³

[*Nidānuddeso*]⁴

Suṇātu me ayye saṅgho. Ajjuposatho paṇṇaraso. Yadi saṅghassa pattakallaṃ saṅgho uposathaṃ kareyya, pātimokkhaṃ uddiseyya.

Kiṃ saṅghassa pubbakiccaṃ? Pārisuddhiṃ ayyāyo ārocetha. Pātimokkhaṃ uddisissāmi. Taṃ sabbāva sādhuṃ suṇoma, manasikaroma. Yassa siyā āpatti sā āvikareyya. Asantiyā āpattiyā tuṇhī bhavitabbaṃ. Tuṇhībhāvena kho panayyāyo⁵ parisuddhā ti vedissāmi. Yathā kho pana paccekapuṭṭhāya⁶ veyyākaraṇaṃ hoti, evaṃ eva⁷ evarūpāya parisāya yāvatatiyaṃ anusāvitam hoti, yā pana bhikkhunī yāvatatiyaṃ anusāviyamāne saramānā santiṃ āpattiṃ nāvikareyya sampajānamusāvādassā hoti. Sampajānamusāvādo kho panayyāyo antarāyiko dhammo vutto bhagavatā. Tasmā saramānāya bhikkhuniyā āpannāya visuddhāpekkhāya santi āpatti⁸ āvikātabbā. Āvikatā hissā phāsu hoti.

¹Sug: *Sanna Sahita Bhikṣu Bhikṣuṇī Prātimokṣa Deka*, Sugunaṣāra Thera, Colombo, 1924.

CS & Cv: Bhikkhunīpātimokkha Pāli. Sug: Bhikkhunīpātimokkhaṃ. Per & Mun: Bhikkhunīpātimokkhaṃ.

² Per & Mun: bhikkhunī-. (Throughout the text.)

³ CS: karoma.

⁴ Only in CS. No introductory heading in Sinhalese editions, so too for the other rule sections below. These headings appear to be a recent Burmese introduction. They are not found in manuscripts and are not recited during Pātimokkha recitals. The CS edition also includes rule headings for each rule, which likewise are a recent Burmese addition and not recited.

⁵ CS, Cv: panāyyāyo. (Throughout the text.)

⁶ CS: paccekapuṭṭhassā.

⁷ CS: evamevaṃ.

⁸ CS: āpatti.

Uddiṭṭhaṃ kho ayyāyo nidānaṃ. Tatthayyāyo⁹ pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo,¹⁰ tasmā tuṇhī; evamevaṃ dhārayāmi ti.

*Nidānuddeso*¹¹

*[Pārājikuddeso]*¹²

Tatṛime¹³ aṭṭha pārājikā dhammā uddesaṃ āgacchanti.

[1] Yā pana bhikkhunī chandaso methunaṃ dhammaṃ paṭiseveyya,¹⁴ antamaso tiracchānagatena pi, pārājikā hoti, asaṃvāsā.

[2] Yā pana bhikkhunī gāmā vā araññā vā adinnaṃ theyyasaṅkhātaṃ ādiyeyya, yathārūpe adinnādāne rājāno coriṃ gahetvā haneyyumaṃ vā bandheyumaṃ vā pabbājeyyumaṃ vā corāsi bālhāsi mūlḥāsi thenāsi ti, tathārūpaṃ bhikkhunī adinnaṃ ādiyamānā, ayam pi pārājikā hoti, asaṃvāsā.

[3] Yā pana bhikkhunī sañcicca manussaviggahaṃ jīvītā voropeyya, satthahāraṃ vāssa pariyeseyya, maraṇavaṇṇaṃ vā saṃvaṇṇeyya, maraṇāya vā samādapeyya, “Ambho purisa, kiṃ tuyhiminā pāpakena dujjīvitena, matan te jīvītā seyyo” ti, iti cittamanā cittasaṅkappā anekapariyāyena maraṇavaṇṇaṃ vā saṃvaṇṇeyya, maraṇāya vā samādapeyya, ayam pi pārājikā hoti, asaṃvāsā.

[4] Yā pana bhikkhunī anabhijānaṃ¹⁵ uttarimanussadhammaṃ attupanāyikaṃ alamariyañānadassanaṃ samudācareyya, iti jānāmi, iti passāmi ti, tato aparena samayena samuggāhiyamānā vā asamānuggāhiyamānā vā āpannā visuddhāpekkhā,¹⁶ evaṃ vadeyya, ajānaṃ evaṃ¹⁷ ayye avacaṃ jānāmi, apassaṃ¹⁸ passāmi, tucchaṃ musā vilapin ti, aññatra adhimānā, ayam pi pārājikā hoti, asaṃvāsā.

[5] Yā pana bhikkhunī avassutā avassutassa purisapuggalassa adhakkhaṃ¹⁹ ubbhajāṇumaṇḍalaṃ āmasanaṃ vā parāmasanaṃ vā gahaṇaṃ vā chupanaṃ vā paṭipīḷanaṃ vā sādiyeyya, ayam pi pārājikā hoti, asaṃvāsā ubbhajāṇumaṇḍalikā.

[6] Yā pana bhikkhunī jānaṃ²⁰ pārājikaṃ dhammaṃ ajjhāpannaṃ bhikkhuniṃ nevattanaṃ paṭicodeyya, na gaṇassa āroceyya, yadā ca sā ṭhitā vā assa cutā vā nāsitā vā avasaṭṭa²¹ vā, pacchā evaṃ

⁹ CS: tatthāyyāyo. (Throughout.)

¹⁰ CS, Mun, Cv: -etthāyyāyo. (Throughout.)

¹¹ CS: Nidānaṃ niṭṭhitaṃ. Cv, Burmese v.l. in Pruitt: Nidānuddeso paṭhamo.

¹² Only in CS. See footnote 4.

¹³ CS, Cv: tatṛime.

¹⁴ Sug, Mun, Per: patiseveyya.

¹⁵ Sug, anabhijānantī. (Cf. Pār 6, Pāc 112, 116: jānanti; Pāc 111: pakkamanti; Sekh 71–2: gacchantī.)

¹⁶ = Mun & Per v.l. All eds.: visuddhāpekkhā (Cf. –apekkhā in Pāc 137, 141).

¹⁷ Sug: ajānantevaṃ.

¹⁸ Sug: apassanti.

¹⁹ CS, Se Vibh: adhakkhakaṃ.

²⁰ Sug: jānanti.

²¹ CS, Cv: avasaṭṭa.

vadeyya, pubbevāhaṃ ayye aññāsiṃ etaṃ bhikkhuniṃ evarūpā ca evarūpā ca sā bhaginī ti, no ca kho attanā paṭicodessaṃ, na gaṇassa āroccassa ti, ayam pi pārājikā hoti, asaṃvāsā vajjapaṭicchādikā.

[7] Yā pana bhikkhunī samaggena saṅghena ukkhittaṃ bhikkhuṃ dhammena vinayena satthusāsanena anādaraṃ appatikāraṃ akatasahāyaṃ tam anuvatteyya, sā bhikkhunī bhikkhunihi evam assa vacanīya, eso kho ayye bhikkhu samaggena saṅghena ukkhitto dhammena vinayena satthusāsanena, anādaro appatikāro akatasahāyo, māyye etaṃ bhikkhuṃ anuvattī ti. Evañ ca sā bhikkhunī bhikkhunihi vuccamānā tatheva paggaṇheyya, sā bhikkhunī bhikkhunihi yāvatatiyaṃ samanubhāsitabbā tassa paṭinissaggāya. Yāvatatiyaṃ ce samanubhāsiyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayam pi pārājikā hoti, asaṃvāsā ukkhittānuvattikā.

[8] Yā pana bhikkhunī avassutā avassutassa purisapuggalassa hatthaggaṇaṃ²² vā sādiyeyya, saṅghāṭikaṇṇaggaṇaṃ²³ vā sādiyeyya, santiṭṭheyya vā, sallapeyya vā, saṅketam vā gaccheyya, purisassa vā abbhāgamanam sādiyeyya, channaṃ vā anupaviseyya, kāyaṃ vā tadatthāya upasaṃhareyya, etassa asaddhammassa paṭisevanatthāya, ayam pi pārājikā hoti, asaṃvāsā aṭṭhavatthukā.

Uddiṭṭhā kho ayyāyo aṭṭha pārājikā dhammā. Tesam bhikkhunī aññataram vā aññataram va āpajjitvā na labhati bhikkhunihi saddhiṃ saṃvāsaṃ yathā pure tathā pacchā, pārājikā hoti, asaṃvāsā. Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evametaṃ dhārayāmi ti.

*PĀRĀJIKUDDESO*²⁴

*[Saṅghādisesuddeso]*²⁵

Ime kho panayyāyo²⁶ sattarasa saṅghādisesā dhammā uddesaṃ āgacchanti.

[1] Yā pana bhikkhunī ussayavādikā vihareyya gahapatinā vā gahapatiputtana vā dāsena vā kammakarena²⁷ vā antamaso samaṇaparibbājakenā pi, ayam bhikkhunī paṭhamāpattikaṃ dhammaṃ āpannā nissāraṇiyaṃ saṅghādisesaṃ.

[2] Yā pana bhikkhunī jānaṃ²⁸ coriṃ vajjhaṃ veditaṃ²⁹ anapaloketvā rājānaṃ vā saṅghaṃ vā gaṇaṃ vā pūgaṃ vā seṇiṃ vā aññatra kappā vuṭṭhāpeyya, ayam pi bhikkhunī paṭhamāpattikaṃ dhammaṃ āpannā nissāraṇiyaṃ saṅghādisesaṃ.

[3] Yā pana bhikkhunī ekā vā gāmantaraṃ gaccheyya, ekā vā nadīpāraṃ gaccheyya, ekā vā rattiṃ vippavaseyya, ekā vā gaṇamhā ohīyeyya,³⁰ ayam pi bhikkhunī paṭhamāpattikaṃ dhammaṃ āpannā nissāraṇiyaṃ saṅghādisesaṃ.

²² Sug, Se Vibh: hatthaggaṇaṃ.

²³ Se Vibh: -gahaṇaṃ.

²⁴ CS: Pārājikaṃ niṭṭhitaṃ. Cv, Burmese v.l. in Pruitt's ed: Pārājikuddeso dutiyo

²⁵ Only in CS. See footnote 4.

²⁶ CS: panāyyāyo. (Throughout.)

²⁷ CS: kammakārena.

²⁸ Sug: jānanti.

²⁹ Se Vibh: vajjhaviditaṃ.

³⁰ CS, Cv, Mun, Per: ohīyeyya.

[4] Yā pana bhikkhunī samaggena saṅghena ukkhittaṃ bhikkhuniṃ dhammena vinayena satthusāsanena, anapaloketvā kārakasaṅghaṃ, anaññāya gaṇassa chandaṃ, osāreyya, ayam pi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesaṃ.

[5] Yā pana bhikkhunī avassutā avassutassa purisapuggalassa hatthato khādaniyaṃ vā bhojaniyaṃ vā sahatthā paṭiggahetvā khādeyya vā bhuñjeyya vā, ayam pi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesaṃ.

[6] Yā pana bhikkhunī evaṃ vadeyya: Kiṃ te ayye eso purisapuggalo karissati avassuto vā anavassuto vā, yato tvaṃ anavassutā, ingha ayye³¹ yaṃ te eso purisapuggalo deti khādaniyaṃ vā bhojaniyaṃ vā, taṃ tvaṃ sahatthā paṭiggahetvā khāda vā bhuñja vā ti, ayam pi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesaṃ.

[7] Yā pana bhikkhunī sañcarittaṃ samāpajjeyya itthiyā vā purisamatiṃ purisassa vā itthimatiṃ, jāyattena vā jārattena vā taṅkhanikāya³² pi, ayam pi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesaṃ.

[8] Yā pana bhikkhunī bhikkhuniṃ duṭṭhā dosā appatitā amūlakena pārājikena dhammena anuddhamseyya, appevanāma naṃ imahā brahmacariyā cāveyyan ti, tato aparena samayena samanuggāhiyamānā vā, asamanuggāhiyamānā vā amūlakaṇṇa ceva taṃ adhikaraṇaṃ hoti, bhikkhunī ca dosaṃ patitṭhāti, ayam pi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesaṃ.

[9] Yā pana bhikkhunī bhikkhuniṃ duṭṭhā dosā appatitā aññabhāgiyassa adhikaraṇassa kiñci desaṃ lesamattaṃ upādāya pārājikena dhammena anuddhamseyya, appeva nāma naṃ imahā brahmacariyā cāveyyan ti, tato aparena samayena samanuggāhiyamānā³³ vā asamanuggāhiyamānā vā amūlakaṇṇa ceva taṃ adhikaraṇaṃ hoti, koci deso lesamatto upādinno, bhikkhunī ca dosaṃ patitṭhāti, ayam pi bhikkhunī paṭhamāpattikaṃ dhammaṃ āpannā nissāraṇīyaṃ saṅghādisesaṃ.

[10] Yā pana bhikkhunī kupitā anattamanā evaṃ vadeyya: Buddhaṃ paccakkhāmi,³⁴ dhammaṃ paccakkhāmi, saṅghaṃ paccakkhāmi, sikkhaṃ paccakkhāmi, kin nu mā va samaṇiyo yā samaṇiyo sakyadhītarō, santañña pi samaṇiyo lajjino kukkucikā sikkhākāmā, tāsāhaṃ santike brahmacariyaṃ carissāmī ti. Sā bhikkhunī bhikkhunihi evamassa vacanīyā, Māyye kupitā anattamanā evaṃ vadeyya: Buddhaṃ paccakkhāmi, dhammaṃ paccakkhāmi, saṅghaṃ paccakkhāmi, sikkhaṃ paccakkhāmi, kin nu mā va samaṇiyo yā samaṇiyo sakyadhītarō, santañña pi samaṇiyo lajjino kukkucikā sikkhākāmā, tāsāhaṃ santike brahmacariyaṃ carissāmī ti. Abhiramayye,³⁵ svākkhāto dhammo, cara brahmacariyaṃ sammā dukkhassa antakiriyaṃ ti. Evañca sā bhikkhunī bhikkhunihi vuccamānā tattheva paggaṇheyya, sā bhikkhunī bhikkhunihi yāvatatiyaṃ samanubhāsitaṃ tassa paṭinissaggāya. Yāvatatiyañce samanubhāsiyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayam pi bhikkhunī yāvatatiyakaṃ dhammaṃ āpannā nissāraṇīyaṃ saṅghādisesaṃ.

³¹ CS: ingh'ayye.

³² Mun, Per, Cv: taṃ khaṇikāya.

³³ CS: -hiyamānā. (Also below)

³⁴ CS: paccācikkhāmi. (Throughout.)

³⁵ CS, Cv: abhiramāyye.

[11] Yā pana bhikkhunī kismiñcideva adhikaraṇe paccākatā kupitā anattamanā evaṃ vadeyya: Chandagāminiyo ca bhikkhuniyo dosagāminiyo ca bhikkhuniyo mohagāminiyo ca bhikkhuniyo bhayagāminiyo ca bhikkhuniyo ti. Sā bhikkhunī bhikkhunīhi evamassa vacanīyā: Māyye kismiñcideva adhikaraṇe paccākatā kupitā anattamanā evaṃ avaca: Chandagāminiyo ca bhikkhuniyo dosagāminiyo ca bhikkhuniyo mohagāminiyo ca bhikkhuniyo bhayagāminiyo ca bhikkhuniyo ti. Ayyā kho chandā pi gaccheyya, dosā pi gaccheyya, mohā pi gaccheyya, bhayā pi gaccheyyā ti. Evañca sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvatatiyaṃ samanubhāsitaḥ tassa paṭinissaggāya. Yāvatatiyañce samanubhāsiyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayaṃ pi bhikkhunī yāvatatiyakaṃ dhammaṃ āpannā nissāraṇīyaṃ saṅghādisesaṃ.

[12] Bhikkhuniyo paneva saṃsaṭṭhā viharanti pāpācārā pāpasaddā pāpasilokā bhikkhunisaṅghassa vihesikā aññamaññissā vajjapaṭicchādikā,³⁶ tā bhikkhuniyo bhikkhunīhi evaṃ assu vacanīyā: Bhaginiyo kho saṃsaṭṭhā viharanti pāpācārā pāpasaddā pāpasilokā bhikkhunisaṅghassa vihesikā aññamaññissā vajjapaṭicchādikā; viviccathayye,³⁷ vivekaññeva bhaginīnaṃ saṅgho vaṇṇeti ti. Evañca tā bhikkhuniyo bhikkhunīhi vuccamānā tatheva paggaṇheyyuṃ, tā bhikkhuniyo bhikkhunīhi yāvatatiyaṃ samanubhāsitaḥ tassa paṭinissaggāya. Yāvatatiyañce samanubhāsiyamānā taṃ paṭinissajjeyyuṃ, iccetaṃ kusalaṃ. No ce paṭinissajjeyyuṃ, imā pi bhikkhuniyo yāvatatiyakaṃ dhammaṃ āpannā nissāraṇīyaṃ saṅghādisesaṃ.

[13] Yā pana bhikkhunī evaṃ vadeyya: Saṃsaṭṭhā va ayye tumhe viharatha, mā tumhe nānā viharittha, santi saṅghe aññā pi bhikkhuniyo evācārā evaṃsaddā evaṃsilokā bhikkhunisaṅghassa vihesikā aññamaññissā vajjapaṭicchādikā, tā saṅgho na kiñci āha, tumhaññeva saṅgho uññāya paribhavana akkhantiyā vebhassiyā³⁸ dubbalyā evaṃ āha: Bhaginiyo kho saṃsaṭṭhā viharanti pāpācārā pāpasaddā pāpasilokā bhikkhunisaṅghassa vihesikā aññamaññissā vajjapaṭicchādikā; viviccathayye, vivekaññeva bhaginīnaṃ³⁹ saṅgho vaṇṇeti ti. Sā bhikkhunī bhikkhunīhi evaṃ assa vacanīyā: Māyye evaṃ avaca saṃsaṭṭhā va ayye tumhe viharatha, mā tumhe nānā viharittha, santi saṅghe aññā pi bhikkhuniyo evācārā evaṃsaddā evaṃsilokā bhikkhunisaṅghassa vihesikā aññamaññissā vajjapaṭicchādikā, tā saṅgho na kiñci āha, tumhaññeva saṅgho uññāya paribhavana akkhantiyā vebhassiyā dubbalyā evamāha: Bhaginiyo kho saṃsaṭṭhā viharanti pāpācārā pāpasaddā pāpasilokā bhikkhunisaṅghassa vihesikā aññamaññissā vajjapaṭicchādikā; viviccathayye, vivekaññeva bhaginīnaṃ saṅgho vaṇṇeti ti. Evañca sā bhikkhunī bhikkhunīhi vuccamānā tatheva paggaṇheyya, sā bhikkhunī bhikkhunīhi yāvatatiyaṃ samanubhāsitaḥ tassa paṭinissaggāya. Yāvatatiyañce samanubhāsiyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayaṃ pi bhikkhunī yāvatatiyakaṃ dhammaṃ āpannā nissāraṇīyaṃ saṅghādisesaṃ

[14] Yā pana bhikkhunī samaggassa saṅghassa bhedāya parakkameyya bhedanasaṃvattanikaṃ vā adhikaraṇaṃ samādāya paggayha tiṭṭheyya, sā bhikkhunī bhikkhunīhi evaṃ assa vacanīyā: Māyye⁴⁰

³⁶ CS: -ppaṭicchādikā. (Also below)

³⁷ CS, Cv: -āyye. Also below in next rule.

³⁸ Se Vibh: vebhassā.

³⁹ Per v.l.: bhikkhunīnaṃ.

⁴⁰ CS: māyyā.

samaggassa saṅghassa bhedaṃ parakkami, bhedanasaṃvattanikaṃ vā adhikaraṇaṃ samādāya paggayha aṭṭhāsi, sametayyā⁴¹ saṅghena, samaggo hi saṅgho sammodamāno avivadamāno ekuddeso phāsuviharati ti. Evaṃ sā bhikkhunī bhikkhunihi vuccamānā tatheva paggaṇheyya, sā bhikkhunī bhikkhunihi yāvatatiyaṃ samanubhāsitaṃ tassa paṭinissaggāya. Yāvatatiyaṃce samanubhāsīyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayaṃ pi bhikkhunī yāvatatiyakaṃ dhammaṃ āpannā nissāraṇīyaṃ saṅghādisesaṃ.

[15] Tassāyeva kho pana bhikkhuniyā bhikkhuniyo honti anuvattikā vaggavādikā ekā vā dve vā tisso vā, tā evaṃ vadeyyuṃ: Māyyāyo evaṃ bhikkhunīnaṃ kiñci avacuttha, dhammavādinī cesā bhikkhunī, vinayavādinī cesā bhikkhunī, amhākaṃ cesā bhikkhunī chandaṃ ca ruciṃ ca ādāya voharati, jānāti no bhāsati, amhākaṃ petaṃ khamati ti. Tā bhikkhuniyo bhikkhunihi evaṃ assu vacanīya: Māyyāyo evaṃ avacuttha. Na cesā bhikkhunī dhammavādinī, na cesā bhikkhunī vinayavādinī, mā ayyānaṃ pi saṅghabhedo rucittha, sametayyānaṃ⁴² saṅghena, samaggo hi saṅgho sammodamāno avivadamāno ekuddeso phāsuviharati ti. Evaṃ tā bhikkhuniyo bhikkhunihi vuccamānā tatheva paggaṇheyyuṃ, tā bhikkhuniyo bhikkhunihi yāvatatiyaṃ samanubhāsitaṃ tassa paṭinissaggāya. Yāvatatiyaṃce samanubhāsīyamānā taṃ paṭinissajjeyyuṃ, iccetaṃ kusalaṃ. No ce paṭinissajjeyyuṃ, imā pi bhikkhuniyo yāvatatiyakaṃ dhammaṃ āpannā nissāraṇīyaṃ saṅghādisesaṃ.

[16] Bhikkhunī paneva dubbacajātikā hoti uddesapariyāpannesu sikkhāpadesu bhikkhunihi sahadhammikaṃ vuccamānā attānaṃ avacanīyaṃ karoti: Mā maṃ ayyāyo kiñci avacuttha kalyāṇaṃ vā pāpakaṃ vā, ahaṃ⁴³ pāyyāyo na kiñci vakkhāmi kalyāṇaṃ vā pāpakaṃ vā, viramathayyāyo⁴⁴ mama vacanāyā ti. Sā bhikkhunī bhikkhunihi evamassa vacanīyā: Māyyā attānaṃ avacanīyaṃ akāsi, vacanīyaṃ eva ayyā attānaṃ karotu, ayyā pi bhikkhuniyo vadetu⁴⁵ sahadhammena, bhikkhuniyo pi ayyaṃ vakkhanti sahadhammena, evaṃ saṃvaddhā⁴⁶ hi tassa bhagavato parisā yadidaṃ aññaṃ aññavacanena, aññaṃ aññavutṭhāpanenā ti. Evaṃ sā bhikkhunī bhikkhunihi vuccamānā tatheva paggaṇheyya, sā bhikkhunī bhikkhunihi yāvatatiyaṃ samanubhāsitaṃ tassa paṭinissaggāya. Yāvatatiyaṃce samanubhāsīyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayaṃ pi bhikkhunī yāvatatiyakaṃ dhammaṃ āpannā nissāraṇīyaṃ saṅghādisesaṃ.

[17] Bhikkhunī paneva aññataraṃ gāmaṃ vā nigamaṃ vā upanissāya viharanti kuladūsikā pāpasamācārā; tassa kho pāpakā samācārā dissanti ceva suyyanti⁴⁷ ca; kulāni ca tāya duṭṭhāni dissanti ceva suyyanti ca. Sā bhikkhunī bhikkhunihi evamassa vacanīyā: Ayyā kho kuladūsikā pāpasamācārā; ayyāya kho pāpakā samācārā dissanti ceva suyyanti ca; kulāni cāyyāya⁴⁸ duṭṭhāni dissanti ceva suyyanti ca.

⁴¹ All except Sug: sametayyā.

⁴² All except Sug: sametayyānaṃ.

⁴³ Cv, Mun, Per: ahaṃ.

⁴⁴ All except Sugunasāra: viramathāyyāyo.

⁴⁵ CS: vadatu.

⁴⁶ Per v.l.: saṃvaddha.

⁴⁷ Mun: sūyanti & suyyanti. Per: suyyanti.

⁴⁸ CS cāyyāya. (Also below)

Pakkamatayyā⁴⁹ imamhā āvāsā; alan⁵⁰ te idha vāsenā ti. Evañca sā bhikkhunī bhikkhunīhi vuccamānā tā bhikkhuniyo evaṃ vadeyya: Chandagāminiyo ca bhikkhuniyo, dosagāminiyo ca bhikkhuniyo, mohagāminiyo ca bhikkhuniyo, bhayagāminiyo ca bhikkhuniyo, tādisikāya āpattiya ekaccaṃ pabbājenti, ekaccaṃ na pabbājenti ti. Sā bhikkhunī bhikkhunīhi evamassa vacanīyā: Māyye⁵¹ evaṃ avaca. Na ca bhikkhuniyo chandagāminiyo, na ca bhikkhuniyo dosagāminiyo, na ca bhikkhuniyo mohagāminiyo, na ca bhikkhuniyo bhayagāminiyo. Ayyā kho kuladūsikā pāpasamācārā; ayyāya kho pāpakā samācārā dissanti ceva suyyanti ca; kulāni cāyyāya duṭṭhāni dissanti ceva suyyanti ca. Pakkamatayyā imamhā āvāsā, alan te idha vāsenā ti. Evañca sā bhikkhunī bhikkhunīhi vuccamānā tattheva paggaṇheyya, sā bhikkhunī bhikkhunīhi yāvatatiyaṃ samanubhāsitabbā tassa paṭinissaggāya. Yāvatatiyañce samanubhāsiyamānā taṃ paṭinissajjeyya, iccetaṃ kusalaṃ. No ce paṭinissajjeyya, ayaṃ pi bhikkhunī yāvatatiyakaṃ dhammaṃ āpannā nissāraṇiyaṃ saṅghādisesaṃ.

Uddiṭṭhā kho ayyāyo sattarasa saṅghādisesā dhammā, nava paṭhamāpattikā, aṭṭha yāvatatiyakā. Yesaṃ bhikkhunī aññataraṃ vā aññataraṃ vā āpajjati, tāya bhikkhuniyā ubhatosaṅghe pakkhamānattaṃ caritabbā. Ciṇṇamānattā bhikkhunī yattha siyā vīsatiṅgaṇo bhikkhunisaṅgho, tattha sā bhikkhunī abbhetaṃ. Ekāya pi ce ūno vīsatiṅgaṇo bhikkhunisaṅgho taṃ bhikkhuniṃ abheyya, sā ca bhikkhunī anabbhitā, tā ca bhikkhuniyo gārayhā. Ayaṃ tattha sāmīci.

Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evametaṃ dhārayāmi ti.

*Saṅghādisesuddeso*⁵²

[Nissaggiyā Pācittiya]

Ime kho panayyāyo tiṃsa nissaggiyā pācittiya dhammā uddesaṃ āgacchanti.

[1] Yā pana bhikkhunī pattasannicayaṃ⁵³ kareyya, nissaggiyaṃ pācittiyaṃ.

[2] Yā pana bhikkhunī akālacivaraṃ kālacivaraṃ ti adhiṭṭhahitvā bhājāpeyya, nissaggiyaṃ pācittiyaṃ.

[3] Yā pana bhikkhunī bhikkhuniyā saddhiṃ cīvaraṃ parivattetvā sā pacchā evaṃ vadeyya: Handayye⁵⁴ tuyhaṃ cīvaraṃ, āharaṃ etaṃ cīvaraṃ, yaṃ tuyhaṃ tuyhaṃ evetaṃ, yaṃ mayhaṃ mayhaṃ evetaṃ, āharaṃ metaṃ, sakaṃ pacchāharā ti acchindeyya vā acchindāpeyya vā, nissaggiyaṃ pācittiyaṃ.

[4] Yā pana bhikkhunī aññaṃ viññāpetvā, aññaṃ viññāpeyya, nissaggiyaṃ pācittiyaṃ.

[5] Yā pana bhikkhunī aññaṃ cetāpetvā, aññaṃ cetāpeyya, nissaggiyaṃ pācittiyaṃ.

[6] Yā pana bhikkhunī aññadatthikena parikkhārena aññuddisikena⁵⁵ saṅghikaṃ aññaṃ cetāpeyya, nissaggiyaṃ pācittiyaṃ.

⁴⁹ CS: pakkamatāyyā. (Also below)

⁵⁰ CS, Cv: alaṃ. (Also below)

⁵¹ CS: māyyā.

⁵² CS: Saṅghādiseso niṭṭhito. Per, Mun: Saṅghādisesā niṭṭhitā. Burmese v.l. in Pruitt's ed: Saṅghādisesuddeso tatiyo.

⁵³ Per Burmese v.l.: -sannicayaṃ

⁵⁴ CS: handāyye.

⁵⁵ Per v.l.: aññuddisikena. (Throughout.)

[7] Yā pana bhikkhunī aññadatthikena parikkhārena aññuddisikena saṅghikena saññācikena⁵⁶ aññaṃ cetāpeyya, nissaggiyaṃ pācittiyaṃ.

[8] Yā pana bhikkhunī aññadatthikena parikkhārena aññuddisikena mahājanikena aññaṃ cetāpeyya, nissaggiyaṃ pācittiyaṃ.

[9] Yā pana bhikkhunī aññadatthikena parikkhārena aññuddisikena mahājanikena saññācikena aññaṃ cetāpeyya, nissaggiyaṃ pācittiyaṃ.

[10] Yā pana bhikkhunī aññadatthikena parikkhārena aññuddisikena puggalikena saññācikena aññaṃ cetāpeyya, nissaggiyaṃ pācittiyaṃ.

Pattavaggo paṭhamo

[11] Garupāpuraṇaṃ⁵⁷ pana bhikkhuniyā cetāpentiyā catukkamsaparamaṃ cetāpetabbaṃ; tato ce uttariṃ⁵⁸ cetāpeyya, nissaggiyaṃ pācittiyaṃ.

[12] Lahupāpuraṇaṃ pana bhikkhuniyā cetāpentiyā aḍḍhateyyakamsaparamaṃ cetāpetabbaṃ; tato ce uttariṃ cetāpeyya, nissaggiyaṃ pācittiyaṃ.

[13] Niṭṭhitacīvarasmiṃ pana bhikkhuniyā⁵⁹ ubbhatasmiṃ kaṭhine dasāhaparamaṃ atirekacīvaraṃ dhāretabbaṃ; taṃ atikkāmentiyā, nissaggiyaṃ pācittiyaṃ.

[14] Niṭṭhitacīvarasmiṃ pana bhikkhuniyā ubbhatasmiṃ kaṭhine ekarattaṃ pi ce bhikkhunī pañcahi⁶⁰ cīvarehi vippavaseyya, aññaṃ tatra bhikkhunīsammutiyaṃ, nissaggiyaṃ pācittiyaṃ.

[15] Niṭṭhitacīvarasmiṃ pana bhikkhuniyā ubbhatasmiṃ kaṭhine bhikkhuniyā paneva akālacīvaraṃ uppajjeyya, ākaṅkhamānāya bhikkhuniyā taṃ paṭiggahetabbaṃ; paṭiggahetvā khippam eva kāretabbaṃ; no cassa pāripūri, māsaparamaṃ tāya bhikkhuniyā taṃ cīvaraṃ nikkhipitabbaṃ, ūnassa pāripūriyā satiyā paccāsāya; tato ce uttariṃ⁶¹ nikkhipeyya satiyā pi paccāsāya, nissaggiyaṃ pācittiyaṃ.

[16] Yā pana bhikkhunī aññātaṃ gahapatiṃ vā gahapatāniṃ vā cīvaraṃ viññāpeyya aññaṃ tatra samayā, nissaggiyaṃ pācittiyaṃ. Tatthāyaṃ samayo: acchinnacīvarā vā hoti bhikkhunī naṭṭhacīvarā vā. Ayaṃ tattha samayo.

[17] Tañce aññātaṃ gahapati vā gahapatāniṃ vā bahūhi cīvarehi abhihaṭṭhuṃ pavāreyya, santaruttaraparamaṃ tāya bhikkhuniyā tato cīvaraṃ sādītābbaṃ; tato ce uttariṃ sādiyeyya, nissaggiyaṃ pācittiyaṃ.

[18] Bhikkhuniṃ paneva uddissa aññātakassa gahapatissa vā gahapatāniyā vā cīvaracetāpannaṃ⁶² upakkhaṭaṃ hoti: Iminā cīvaracetāpannaṃ cīvaraṃ cetāpetvā itthannāmaṃ⁶³ bhikkhuniṃ cīvarena acchādessāmī ti, tatra ce sā bhikkhunī pubbe appavāritā upasaṅkamitvā cīvare vikappaṃ āpajjeyya: Sādhū

⁵⁶ Cv: saṃyācikena (Throughout.)

⁵⁷ CS, Cv: -pāvuraṇaṃ. (Also in next rule)

⁵⁸ CS: uttari. (Throughout.)

⁵⁹ CS: niṭṭhitacīvarasmiṃ bhikkhuniyā. (Also in next two rules). Niṭṭhitacīvarāya (BBPm v.l.)

⁶⁰ CS: ticīvarena.

⁶¹ CS: uttari. (Throughout.)

⁶² CS: cīvaracetāpannaṃ. (Throughout.)

⁶³ Cv: itthaṃ nāmaṃ. (Throughout.)

vata maṃ āyasmā iminā cīvaracetāpanna evarūpaṃ vā evarūpaṃ vā cīvaraṃ cetāpetvā acchādehī ti kalyāṇakamyataṃ upādāya, nissaggiyaṃ pācittiyaṃ.

[19] Bhikkhuniṃ paneva uddissa ubhinnaṃ aññatakānaṃ gahapatinaṃ vā gahapatānīnaṃ vā paccekacīvaracetāpannāni upakkhaṭāni honti: Imehi mayaṃ paccekacīvaracetāpannehi paccekacīvarāni cetāpetvā itthaṃ nāmaṃ bhikkhuniṃ cīvarena acchādessāmi ti, tatra ce sā bhikkhuni pubbe appavāritā upasaṅkamitvā cīvare vikappaṃ āpajeyya: Sādhu vata maṃ āyasmanto imehi paccekacīvaracetāpannehi evarūpaṃ vā evarūpaṃ vā cīvaraṃ cetāpetvā acchādeṭṭha, ubho va santā ekenā ti, kalyāṇakamyataṃ upādāya, nissaggiyaṃ pācittiyaṃ.

[20] Bhikkhuniṃ paneva uddissa rājā vā rājabhoggo vā brāhmaṇo vā gahapatiko vā dūtena cīvaracetāpannaṃ paṇiṇeyya: Iminā cīvaracetāpanna cīvaraṃ cetāpetvā itthaṃ nāmaṃ bhikkhuniṃ cīvarena acchādehī ti. So ce dūto taṃ bhikkhuniṃ upasaṅkamitvā evaṃ vadeyya: Idaṃ kho ayye ayyaṃ uddissa cīvaracetāpannaṃ ābhataṃ, paṭigaṇhātu ayyā⁶⁴ cīvaracetāpanna ti. Tāya bhikkhuniyā so dūto evaṃ assa vacanīyā: Na kho mayaṃ āvuso cīvaracetāpannaṃ paṭigaṇhāma, cīvaraṃ ca kho mayaṃ paṭigaṇhāma kālena kappiya ti. So ce dūto taṃ bhikkhuniṃ evaṃ vadeyya: Atthi panayyāyā⁶⁵ kāci veyyāvaccakarā⁶⁶ ti. Cīvaratthikāya bhikkhave bhikkhuniyā veyyāvaccakarā⁶⁷ niddisitaṃ, āramikā vā upāsikā vā.⁶⁸ Esā kho āvuso bhikkhunīnaṃ veyyāvaccakarā ti. So ce dūto taṃ veyyāvaccakaraṃ saññāpetvā, taṃ bhikkhuniṃ upasaṅkamitvā, evaṃ vadeyya: Yaṃ kho ayye ayyā veyyāvaccakaraṃ niddisi, saññattā sā⁶⁹ mayā, upasaṅkamatayyā⁷⁰ kālena cīvarena taṃ acchādessati ti. Cīvaratthikāya bhikkhave bhikkhuniyā veyyāvaccakarā upasaṅkamitvā dvattikkhattuṃ codetabbā sāretabbā⁷¹: Attho me āvuso cīvarena ti. Dvattikkhattuṃ codiyamānā sāriyamānā⁷² taṃ cīvaraṃ abhinipphādeyya, iccetaṃ kusalaṃ; no ce abhinipphādeyya, catukkhattuṃ pañcakkhattuṃ chakkhattuparamaṃ tuṇhībhūtāya uddissa tṭhābbaṃ,⁷³ catukkhattuṃ pañcakkhattuṃ chakkhattuparamaṃ tuṇhībhūtā uddissa tiṭṭhamānā taṃ cīvaraṃ abhinipphādeyya, iccetaṃ kusalaṃ; tato ce uttariṃ vāyamamānā taṃ cīvaraṃ abhinipphādeyya, nissaggiyaṃ pācittiyaṃ. No ce abhinipphādeyya, yatassa cīvaracetāpannaṃ ābhataṃ tattha sāmaṃ vā gantabbaṃ, dūto vā pāhetabbo: Yaṃ kho tumhe āyasmanto bhikkhuniṃ uddissa cīvaracetāpannaṃ paṇiṇittha, na taṃ tassā bhikkhuniyā kiñci atthaṃ anubhoti, yuñjantāyasmanto sakaṃ, mā vo sakaṃ vinassā ti. Ayaṃ tattha sāmīci.

Cīvaravaggo dutiyo

[21] Yā pana bhikkhuni jātarūparaṇaṃ uggaṇheyya vā uggaṇhāpeyya vā upanikkhattaṃ vā sādiyeyya, nissaggiyaṃ pācittiyaṃ.

⁶⁴ CS: paṭigaṇhātāyā. Sug: paṭigaṇhātu.

⁶⁵ CS: panāyyāyo.

⁶⁶ CS: koci veyyāvaccakaro.

⁶⁷ CS: veyyāvaccakaro. (Also below)

⁶⁸ CS: veyyāvaccakaro niddisitaṃ, āramiko vā upāsiko vā.

⁶⁹ CS: saññatto so.

⁷⁰ CS: upasaṅkamatāyā.

⁷¹ CS: codetabbo sāretabbo.

⁷² CS, Sug: codayamānā sāriyamānā.

⁷³ This whole clause is missing in Mun and Cv.

[22] Yā pana bhikkhunī nānappakāraṃ rūpiyaṃvohāraṃ samāpajjeyya, nissaggiyaṃ pācittiyaṃ.

[23] Yā pana bhikkhunī nānappakāraṃ kayavikkayaṃ samāpajjeyya, nissaggiyaṃ pācittiyaṃ.

[24] Yā pana bhikkhunī ūnapañcabandhanena pattena aññaṃ navam pattaṃ cetāpeyya, nissaggiyaṃ pācittiyaṃ. Tāya bhikkhuniyā so patto bhikkhunīparisāya nissajitabbo,⁷⁴ yo ca tassa bhikkhunīparisā pattapariyanto so tassa bhikkhuniyā patto padātabbo: Ayaṃ te bhikkhunī patto, yāva bhedanāya dhāretabbo ti. Ayaṃ tattha sāmīci.

[25] Yāni kho pana tāni gilānaṃ bhikkhunīnaṃ paṭisāyanīyāni bhesajjāni, seyyathidaṃ⁷⁵: sappi, navaṇitaṃ, telaṃ madhuphāṇitaṃ, tāni paṭiggahetvā sattāhaparamaṃ sannidhikāraṃ paribhuñjitabbāni; taṃ atikkāmentiyā, nissaggiyaṃ pācittiyaṃ.

[26] Yā pana bhikkhunī bhikkhuniyā sāmaṃ cīvaraṃ datvā kupitā anattamanā acchindeyya vā, acchindāpeyya vā, nissaggiyaṃ pācittiyaṃ.

[27] Yā pana bhikkhunī sāmaṃ suttaṃ viññāpetvā tantavāyehi cīvaraṃ vāyāpeyya, nissaggiyaṃ pācittiyaṃ.

[28] Bhikkhuniṃ paneva uddissa aññātaṃ gahapati vā, gahapatānī vā, tantavāyehi cīvaraṃ vāyāpeyya, tatra ce sā bhikkhunī pubbe appavāritā tantavāye upasaṅkamitvā cīvare vikappaṃ āpajjeyya: Idaṃ kho āvuso cīvaraṃ maṃ uddissa viyati,⁷⁶ āyatañca karoṭha, vitthatañca appitañca suvitañca suppavāyitañca suvilekhitañca suvitacchitañca karoṭha, appeva nāma mayaṃ pi āyasmantānaṃ kiñcimattaṃ anupadajjeyyāma ti. Evañca sā bhikkhunī vatvā kiñcimattaṃ anupadajjeyya antamaso piṇḍapātamaṃ pi, nissaggiyaṃ pācittiyaṃ.

[29] Dasāhānagataṃ kattikatemāsipunṇamaṃ⁷⁷ bhikkhuniyā paneva accekacīvaraṃ uppajjeyya, accekaṃ maññaṃānāya bhikkhuniyā paṭiggahetabbaṃ, paṭiggahetvā yāva cīvarakālasamayaṃ nikkhipitabbaṃ; tato ce uttariṃ⁷⁸ nikkhipeyya, nissaggiyaṃ pācittiyaṃ.

[30] Yā pana bhikkhunī jānaṃ saṅghikaṃ lābhaṃ pariṇataṃ attanā pariṇāmeyya, nissaggiyaṃ pācittiyaṃ.

Jātarūpavaggo tatiyo

Uddiṭṭhā kho ayyāyo tiṃsa nissaggiyā pācittiyā dhammā. Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evametam dhārayāmi ti.

Nissaggiyā pācittiyā⁷⁹

[Suddhapācittiyā]

Ime kho panayyāyo chasaṭṭhisatā pācittiyā dhammā uddesaṃ āgacchanti.

⁷⁴ CS: nissajjitabbo.

⁷⁵ CS: seyyathidaṃ.

⁷⁶ CS: viyyati.

⁷⁷ CS: -māsikapunṇamaṃ.

⁷⁸ CS: uttari.

⁷⁹ CS: Nissaggiyapācittiyā. Per, Mun: Nissaggiyā pācittiyā niṭṭhitā.

[1] Yā pana bhikkhunī lasuṇaṃ khādeyya, pācittiyaṃ.

[2] Yā pana bhikkhunī sambādhe lomaṃ saṃharāpeyya, pācittiyaṃ.

[3] Talaghātake, pācittiyaṃ.

[4] Jatumaṭṭake,⁸⁰ pācittiyaṃ.

[5] Udaḥasuddhikaṃ pana bhikkhuniyā ādiyaṃānāya dvaṅgulaḥapabbaparamaṃ ādātabbaṃ; taṃ atikkāmentiyā pācittiyaṃ.

[6] Yā pana bhikkhunī bhikkhussa bhuñjantassa pāṇiyena vā vidhūpanena vā upatiṭṭheyya, pācittiyaṃ.

[7] Yā pana bhikkhunī āmakadhaññaṃ viññatvā vā viññāpetvā vā⁸¹ bhajjitvā vā bhajjāpetvā vā koṭṭetvā vā koṭṭāpetvā vā pacitvā vā pacāpetvā vā bhuñjeyya, pācittiyaṃ.

[8] Yā pana bhikkhunī uccāraṃ vā passāvaṃ saṅkāraṃ vā vighāsaṃ vā tirokuḍḍe vā tiropākāre vā chaḍḍeyya vā chaḍḍāpeyya vā, pācittiyaṃ.

[9] Yā pana bhikkhunī uccāraṃ vā passāvaṃ vā saṅkāraṃ vā vighāsaṃ vā harite chaḍḍeyya vā chaḍḍāpeyya vā, pācittiyaṃ.

[10] Yā pana bhikkhunī naccaṃ vā gītaṃ vāditāṃ vā dassanāya gaccheyya, pācittiyaṃ.

Lasuṇavaggo paṭhamo

[11] Yā pana bhikkhunī rattandhakāre appadīpe purisena saddhiṃ ekenekā santiṭṭheyya vā sallapeyya vā, pācittiyaṃ.

[12] Yā pana bhikkhunī paṭicchanne okāse purisena saddhiṃ ekenekā santiṭṭheyya vā sallapeyya vā, pācittiyaṃ.

[13] Yā pana bhikkhunī ajjhokāse purisena saddhiṃ ekenekā santiṭṭheyya vā sallapeyya vā, pācittiyaṃ.

[14] Yā pana bhikkhunī rathikāya⁸² vā byūhe⁸³ vā siṅghātake vā purisena saddhiṃ ekena santiṭṭheyya vā sallapeyya vā nikaṇṇikaṃ vā jappeyya, dutiyikaṃ vā bhikkhuniṃ uyyojeyya, pācittiyaṃ.

[15] Yā pana bhikkhunī purebhattaṃ kulāni upasaṅkamitvā āsane nisīditvā sāmike anāpucchā pakkameyya, pācittiyaṃ.

[16] Yā pana bhikkhunī pacchābhattaṃ kulāni upasaṅkamitvā sāmike anāpucchā āsane abhinisīdeyya vā abhinipajjeyya vā, pācittiyaṃ.

[17] Yā pana bhikkhunī vikāle kulāni upasaṅkamitvā sāmike anāpucchā seyyaṃ santharitvā vā santharāpetvā vā abhinisīdeyya vā abhinipajjeyya vā, pācittiyaṃ.

[18] Yā pana bhikkhunī duggahītena⁸⁴ dūpadhāritena⁸⁵ paraṃ ujjhāpeyya, pācittiyaṃ.

⁸⁰ CS, Se Vibh: jatumaṭṭhake.

⁸¹ Se Vibh: viññāpetvā vā viññāpāpetvā vā.

⁸² Se Vibh: rathiyāya.

⁸³ All Sinhalese eds.: byuhe.

⁸⁴ CS: duggahitena.

⁸⁵ Mun and Per: duppadhāritena.

[19] Yā pana bhikkhunī attānaṃ vā paraṃ vā nirayena vā brahmacariyena vā abhisapeyya, pācittiyaṃ.

[20] Yā pana bhikkhunī attānaṃ vadhitvā vadhitvā rodeyya, pācittiyaṃ.

Rattandhakāravaggo⁸⁶ dutiyo

[21] Yā pana bhikkhunī naggā nahāyeyya, pācittiyaṃ.

[22] Udakasāṭikaṃ pana bhikkhuniyā kārayamānāya pamāṇikā kāretabbā, tatridaṃ pamāṇaṃ: dighaso catasso vidatthiyo sugatavidatthiyā, tiriyaṃ dve vidatthiyo; taṃ atikkāmentiyā chedanakaṃ, pācittiyaṃ.

[23] Yā pana bhikkhunī bhikkhuniyā cīvaraṃ visibbetvā vā visibbāpetvā vā sā pacchā anantarāyikinī neva sibbeyya na sibbāpanāya ussukkaṃ kareyya aññatra catūhapañcāhā, pācittiyaṃ.

[24] Yā pana bhikkhunī pañcāhikaṃ saṅghāṭicāraṃ⁸⁷ atikkāmeyya, pācittiyaṃ.

[25] Yā pana bhikkhunī cīvarasaṅkamanīyaṃ dhāreyya, pācittiyaṃ.

[26] Yā pana bhikkhunī gaṇassa cīvaralābhaṃ antarāyaṃ kareyya, pācittiyaṃ.

[27] Yā pana bhikkhunī dhammikaṃ cīvaravibhaṅgaṃ paṭibāheyya, pācittiyaṃ.

[28] Yā pana bhikkhunī agārikassa⁸⁸ vā paribbājakassa vā paribbājikāya vā samaṇacīvaraṃ dadeyya, pācittiyaṃ.

[29] Yā pana bhikkhunī dubbalacīvarapaccāsāya cīvarakālasamayaṃ atikkāmeyya, pācittiyaṃ.

[30] Yā pana bhikkhunī dhammikaṃ kaṭhinuddhāraṃ paṭibāheyya, pācittiyaṃ.

Naggavaggo tatiyo

[31] Yā pana bhikkhunīyo dve ekamañce tuvaṭṭeyyuṃ, pācittiyaṃ.

[32] Yā pana bhikkhunīyo dve ekattharaṇapāpuraṇā⁸⁹ tuvaṭṭeyyuṃ, pācittiyaṃ.

[33] Yā pana bhikkhunī bhikkhuniyā sañcicca aphāsuṃ kareyya, pācittiyaṃ.

[34] Yā pana bhikkhunī dukkhiṭaṃ sahaṇiviniṃ neva upaṭṭheyya⁹⁰ na upaṭṭhāpanāya ussukkaṃ kareyya, pācittiyaṃ.

[35] Yā pana bhikkhunī bhikkhuniyā upassayaṃ datvā kupitā anattamanā nikkāḍḍheyya vā nikkāḍḍhāpeyya vā, pācittiyaṃ.

[36] Yā pana bhikkhunī saṃsaṭṭhā vihareyya gahapatinā vā gahapatiputtana vā, sā bhikkhunī bhikkhunīhi evaṃ assa vacaniyā: Māyye saṃsaṭṭhā vihari gahapatinā pi gahapatiputtanā⁹¹ pi, viviccayye,⁹² vivekaññeva bhikkhuniyā saṅgho vaṇṇeti ti. Evañca⁹³ sā bhikkhunī bhikkhunīhi vuccamānā tatheva

⁸⁶ Cv: andhākaravaggo.

⁸⁷ Siamese v. l. in Cv, Se Vibh: -vāraṃ.

⁸⁸ Se Vibh: agārikassa.

⁸⁹ CS, Cv: -pāvuraṇā.

⁹⁰ CS: upaṭṭhaheyya.

⁹¹ Se Vibh: gahapatiputtana.

⁹² CS, Cv: viviccāyye.

⁹³ Cv: evañca pana.

paggaṇheyya, sā bhikkhunī bhikkhunihi yāvatatiyaṃ samanubhāsitaḥ tassa paṭinissaggāya. Yāvatatiyaṇce samanubhāsiyamānā taṃ paṭinissajjeyya, iccetaṃ kusalaṃ. No ce paṭinissajjeyya, pācittiyaṃ.

[37] Yā pana bhikkhunī antoraṭṭhe sāsāṅkasammate sappaṭibhaye asatthikā cārikaṃ careyya, pācittiyaṃ.

[38] Yā pana bhikkhunī tiroraṭṭhe sāsāṅkasammate sappaṭibhaye asatthikā cārikaṃ careyya, pācittiyaṃ.

[39] Yā pana bhikkhunī antovassaṃ cārikaṃ careyya, pācittiyaṃ.

[40] Yā pana bhikkhunī vassaṃ vutthā⁹⁴ cārikaṃ na pakkameyya antamaso chappaṇcayojanāni pi, pācittiyaṃ.

Tuvaṭṭavaggo catuttho

[41] Yā pana bhikkhunī rājāgāraṃ vā cittāgāraṃ vā ārāmaṃ vā uyyānaṃ vā pokkharāṇi vā dassanāya gaccheyya, pācittiyaṃ.

[42] Yā pana bhikkhunī āsandiṃ vā pallaṅkaṃ vā paribhuñjeyya, pācittiyaṃ.

[43] Yā pana bhikkhunī suttaṃ kanteyya, pācittiyaṃ.

[44] Yā pana bhikkhunī gihīveyyāvaccam⁹⁵ kareyya, pācittiyaṃ.

[45] Yā pana bhikkhunī bhikkhuniyā: Eha⁹⁶ imaṃ adhikaraṇaṃ vūpasamehi ti vuccamānā: Sādhū ti paṭissuṇitvā, sā pacchā anantarāyikini neva vūpasameyya, na vūpasamāya ussukkaṃ kareyya, pācittiyaṃ.

[46] Yā pana bhikkhunī agārikassa vā paribbājakassa vā paribbājikāya vā sahatthā khādanīyaṃ vā bhojanīyaṃ vā dadeyya, pācittiyaṃ.

[47] Yā pana bhikkhunī āvasathacīvaraṃ anissajitvā⁹⁷ paribhuñjeyya, pācittiyaṃ.

[48] Yā pana bhikkhunī āvasathaṃ anissajitvā cārikaṃ pakkameyya, pācittiyaṃ.

[49] Yā pana bhikkhunī tiracchānavijjaṃ pariyāpuṇeyya, pācittiyaṃ.

[50] Yā pana bhikkhunī tiracchānavijjaṃ vāceyya, pācittiyaṃ.

Cittāgāravaggo pañcama

[51] Yā pana bhikkhunī jānaṃ⁹⁸ sabhikkhukaṃ ārāmaṃ anāpucchā paviseyya, pācittiyaṃ.

[52] Yā pana bhikkhunī bhikkhuṃ akkoseyya vā paribhāseyya va, pācittiyaṃ.

[53] Yā pana bhikkhunī caṇḍikatā⁹⁹ gaṇaṃ paribhāseyya, pācittiyaṃ.

[54] Yā pana bhikkhunī nimantitā vā pavāritā vā khādanīyaṃ vā bhojanīyaṃ vā khādeyya va bhuñjeyya vā, pācittiyaṃ.

⁹⁴ Burmese v.l. in Cv: vassaṃ vutṭha.

⁹⁵ CS, Cv, Se Vibh: gihi-.

⁹⁶ CS, Cv: ehāyye.

⁹⁷ CS: anissajitvā. Cv: anissajitvā.

⁹⁸ Sug: jānanti.

⁹⁹ CS, Cv, Se Vibh: caṇḍi-.

[55] Yā pana bhikkhunī kulamaccharinī¹⁰⁰ assa, pācittiyaṃ.

[56] Yā pana bhikkhunī abhikkhuke āvāse vassaṃ vaseyya, pācittiyaṃ.

[57] Yā pana bhikkhunī vassaṃ vutthā ubhatosaṅghe tihi ṭhānehi nappavāreyya¹⁰¹ diṭṭhena vā sutena vā parisāṅkāya vā, pācittiyaṃ.

[58] Yā pana bhikkhunī ovādāya vā samvāsāya vā na gaccheyya, pācittiyaṃ.

[59] Anvaddhamāsaṃ¹⁰² pana bhikkhuniyā¹⁰³ bhikkhusaṅghato dve dhammā paccāsimsitabbā¹⁰⁴: uposathapucchakanañca, ovādūpasankamanañca. Taṃ atikkāmentiyā, pācittiyaṃ.

[60.] Yā pana bhikkhunī pasākhe jātaṃ gaṇḍaṃ vā rucitaṃ¹⁰⁵ vā anapaloketvā saṅghaṃ vā gaṇaṃ vā purisena saddhiṃ ekenekā bhedaṭṭheyya vā phālāṭṭheyya vā dhovāṭṭheyya vā limpāṭṭheyya vā bandhāṭṭheyya vā mocāṭṭheyya vā, pācittiyaṃ.

Ārāmaṃvaggo chaṭṭho

[61] Yā pana bhikkhunī gabbhinaṃ vuṭṭhāṭṭheyya, pācittiyaṃ.

[62] Yā pana bhikkhunī pāyantiṃ vuṭṭhāṭṭheyya, pācittiyaṃ.

[63] Yā pana bhikkhunī dve vassāni chasu dhammesu asikkhitasikkhaṃ sikkhamānaṃ vuṭṭhāṭṭheyya, pācittiyaṃ.

[64] Yā pana bhikkhunī dve vassāni chasu dhammesu sikkhitasikkhaṃ sikkhamānaṃ saṅghena asaṃmataṃ vuṭṭhāṭṭheyya, pācittiyaṃ.

[65] Yā pana bhikkhunī ūnadvādasavassaṃ gihigataṃ vuṭṭhāṭṭheyya, pācittiyaṃ.

[66] Yā pana bhikkhunī paripuṇṇadvādasavassaṃ gihigataṃ¹⁰⁶ dve vassāni chasu dhammesu asikkhitasikkhaṃ vuṭṭhāṭṭheyya, pācittiyaṃ.

[67] Yā pana bhikkhunī paripuṇṇadvādasavassaṃ gihigataṃ dve vassāni chasu dhammesu sikkhitasikkhaṃ saṅghena asaṃmataṃ vuṭṭhāṭṭheyya, pācittiyaṃ.

[68] Yā pana bhikkhunī sahaṃjiviniṃ vuṭṭhāṭṭheyya dve vassāni neva anuggaṇheyya na anuggaṇhāṭṭheyya, pācittiyaṃ.

[69] Yā pana bhikkhunī vuṭṭhāṭṭheyya pavattiniṃ dve vassāni nānubandheyya, pācittiyaṃ.

[70] Yā pana bhikkhunī sahaṃjiviniṃ vuṭṭhāṭṭheyya ne vūpakāseyya na vūpakāsāṭṭheyya antamaso chappañcayojanāni pi, pācittiyaṃ.

Gabbhinīvaggo¹⁰⁷ sattamo

[71] Yā pana bhikkhunī ūnavāsativassaṃ kumārībhūtaṃ¹⁰⁸ vuṭṭhāṭṭheyya, pācittiyaṃ.

¹⁰⁰ Sug, Per, Mun: -maccharinī.

¹⁰¹ CS, Cv: na pavāreyya.

¹⁰² Se Vibh: anvaddhamāsaṃ.

¹⁰³ CS: anvaddhamāsaṃ bhikkhuniyā.

¹⁰⁴ CS, Cv: paccāsisitabbā.

¹⁰⁵ CS: rudhitaṃ. Se Vibh: ruhitaṃ. (Ee/PTS Vibh: rūhitaṃ.)

¹⁰⁶ CS, Cv, Se Vibh: gihi-. Also in next rule.

¹⁰⁷ CS, Cv: Gabbhani-.

¹⁰⁸ CS, Cv: kumāri-.

[72] Yā pana bhikkhunī paripuṇṇavāsativassam kumārībhūtaṃ dve vassāni chasu dhammesu asikkhitasikkham vuṭṭhāpeyya, pācittiyam.

[73] Yā pana bhikkhunī paripuṇṇavāsativassam kumārībhūtaṃ dve vassāni chasu dhammesu sikkhitasikkham saṅghena asammataṃ vuṭṭhāpeyya, pācittiyam.

[74] Yā pana bhikkhunī ūnavādasavassā vuṭṭhāpeyya, pācittiyam.

[75] Yā pana bhikkhunī paripuṇṇadvādasavassā saṅghena asammataṃ vuṭṭhāpeyya, pācittiyam.

[76] Yā pana bhikkhunī: Alaṃ tāva¹⁰⁹ te ayye vuṭṭhāpitenā ti vuccamānā: Sādhū ti paṭissuṇitvā, pacchā khiyyanadhammaṃ¹¹⁰ āpajjeyya, pācittiyam.

[77] Yā pana bhikkhunī sikkhamānaṃ: Sace me tvam ayye cīvaraṃ dassasi, evāhan taṃ¹¹¹ vuṭṭhāpessāmi ti vatvā sā pacchā anantarāyikinī neva vuṭṭhāpeyya na vuṭṭhāpanāya ussukkaṃ kareyya, pācittiyam.

[78] Yā pana bhikkhunī sikkhamānā: Sace maṃ tvam ayye dve vassāni anubandhissasi, evāhan taṃ vuṭṭhāpessāmi ti vatvā sā pacchā anantarāyikinī neva vuṭṭhāpeyya na vuṭṭhāpanāya ussukkaṃ kareyya, pācittiyam.

[79] Yā pana bhikkhunī purisasamsaṭṭhaṃ kumārakasamsaṭṭhaṃ caṇḍim sokāvāsaṃ sikkhamānaṃ vuṭṭhāpeyya, pācittiyam.

[80] Yā pana bhikkhunī mātāpituhi vā sāmikena vā ananuññātaṃ sikkhamānaṃ vuṭṭhāpeyya, pācittiyam.

[81] Yā pana bhikkhunī pārivāsikachandadānena sikkhamānaṃ vuṭṭhāpeyya, pācittiyam.

[82] Yā pana bhikkhunī anuvassaṃ vuṭṭhāpeyya, pācittiyam.

[83] Yā pana bhikkhunī ekaṃ vassaṃ dve vuṭṭhāpeyya, pācittiyam.

Kumārībhūtavaggo¹¹² aṭṭhamo

[84] Yā pana bhikkhunī agilānā chattūpāhanaṃ¹¹³ dhāreyya, pācittiyam.

[85] Yā pana bhikkhunī agilānā yānena yāyeyya, pācittiyam.

[86] Yā pana bhikkhunī saṅghāṇiṃ dhāreyya, pācittiyam.

[87] Yā pana bhikkhunī itthālaṃkāraṃ¹¹⁴ dhāreyya, pācittiyam.

[88] Yā pana bhikkhunī gandhavaṇṇakena nahāyeyya, pācittiyam.

[89] Yā pana bhikkhunī vāsitakena piñṇākena nahāyeyya, pācittiyam.

[90] Yā pana bhikkhunī bhikkhuniyā ummaddāpeyya vā parimaddāpeyya vā, pācittiyam.

[91] Yā pana bhikkhunī sikkhamānāya ummaddāpeyya vā parimaddāpeyya vā, pācittiyam.

¹⁰⁹ Se Vibh: alantāva.

¹¹⁰ Se Vibh: khīyana-. Cv, Mun: khīyyana-.

¹¹¹ Cv: evāhaṃ taṃ. Also in next rule.

¹¹² CS, Cv: kumāri-.

¹¹³ CS, Cv: -upāhanaṃ.

¹¹⁴ Cv, Mun, Per: itthālaṃkāraṃ.

[92] Yā pana bhikkhunī sāmaṇeriyā ummaddāpeyya vā parimaddāpeyya vā, pācittiyaṃ.

[93] Yā pana bhikkhunī gihiniyā ummaddāpeyya vā parimaddāpeyya vā, pācittiyaṃ.

[94] Yā pana bhikkhunī bhikkhussa purato anāpucchā āsane nisīdeyya, pācittiyaṃ.

[95] Yā pana bhikkhunī anokāsakataṃ bhikkhuṃ pañhaṃ puccheyya, pācittiyaṃ.

[96] Yā pana bhikkhunī asaṅkacchikā¹¹⁵ gāmaṃ paviseyya, pācittiyaṃ.

Chattavaggo¹¹⁶ navamo

[97] Sampajānamusāvāde, pācittiyaṃ.

[98] Omasavāde, pācittiyaṃ.

[99] Bhikkhunīpesuñṇe, pācittiyaṃ.

[100] Yā pana bhikkhunī anupasampannaṃ padaso dhammaṃ vāceyya, pācittiyaṃ.

[101] Yā pana bhikkhunī anupasampannāya uttariṃ¹¹⁷ dirattatirattaṃ sahaseyyaṃ kappeyya, pācittiyaṃ.

[102] Yā pana bhikkhunī purisena sahaseyyaṃ kappeyya, pācittiyaṃ.

[103] Yā pana bhikkhunī purisassa uttariṃ chappañcavācāhi dhammaṃ deseyya aññatra viññunā itthiviggahena, pācittiyaṃ.

[104] Yā pana bhikkhunī anupasampannāya uttarimanussadhammaṃ āroceyya bhūtasmiṃ, pācittiyaṃ.

[105] Yā pana bhikkhunī bhikkhuniyā duṭṭhullaṃ āpattiṃ anupasampannāya āroceyya aññatra bhikkhunī sammutiyā, pācittiyaṃ.

[106] Yā pana bhikkhunī paṭhaviṃ¹¹⁸ khaṇeyya vā khaṇāpeyya vā, pācittiyaṃ.

Musāvādavaggo dasamo

[107] Bhūtagāmapātavyatāya,¹¹⁹ pācittiyaṃ.

[108] Aññavādake vihesake, pācittiyaṃ.

[109] Ujjhāpanake khīyanake,¹²⁰ pācittiyaṃ.

[110] Yā pana bhikkhunī saṅghikaṃ mañcaṃ vā piṭṭhaṃ vā bhisim vā¹²¹ kocchaṃ vā ajjhokāse santharitvā vā santharāpetvā vā taṃ pakkamanti neva uddhareyya na uddharāpeyya anāpucchāṃ vā gaccheyya, pācittiyaṃ.

[111] Yā pana bhikkhunī saṅghike vihāre seyyaṃ santharitvā vā santharāpetvā vā taṃ pakkamanti neva uddhareyya na uddharāpeyya anāpucchāṃ vā gaccheyya, pācittiyaṃ.

¹¹⁵ Sug, Per, Mun, Cv: asaṅkacchikā.

¹¹⁶ CS, Se Vibh, Cv: chattupahanavaggo.

¹¹⁷ CS, Cv: uttariṃ. (Throughout.)

¹¹⁸ CS, Cv: pathaviṃ.

¹¹⁹ CS: bhūtagāmapātavyatāya.

¹²⁰ CS: khiyyanake.

¹²¹ Sug, Per and Mun add in parenthesis: (bimbohaṃ vā).

[112] Yā pana bhikkhunī saṅghike vihāre jānaṃ¹²² pubbūpagataṃ¹²³ bhikkhuniṃ anupakhajja seyyaṃ kappeyya, “Yassā sambādho bhavissati, sā pakkamissati” ti, etadeva paccayaṃ karitvā anaññaṃ, pācittiyaṃ.

[113] Yā pana bhikkhunī bhikkhuniṃ kupitā anattamanā saṅghikā vihārā nikkadḍheyya vā nikkadḍhāpeyya vā, pācittiyaṃ.

[114] Yā pana bhikkhunī saṅghike vihāre uparivehāsakuṭiyā āhaccapādakaṃ mañcaṃ vā pīṭhaṃ vā abhinisīdeyya vā, abhinipajjeyya vā, pācittiyaṃ.

[115] Mahallakaṃ pana bhikkhuniyā vihāraṃ kārayamānāya yāva dvāraḥkosā aggaḷaṭṭhapanāya¹²⁴ ālokaśandhiparikammāya dvatticchadanassa pariāyaṃ appaharite ṭhitāya adhiṭṭhātabbaṃ; tato ce uttarim appaharite pi ṭhitā adhiṭṭhaheyya, pācittiyaṃ.

[116] Yā pana bhikkhunī jānaṃ¹²⁵ sappāṇakaṃ udakaṃ tiṇaṃ vā mattikaṃ vā siñceyya vā siñcāpeyya vā, pācittiyaṃ.

Bhūtagāmaṃvaggo ekādasamo

[117] Agilānāya bhikkhuniyā eko āvasathapiṇḍo bhuñjitabbo; tato ce uttarim bhuñjeyya, pācittiyaṃ.

[118] Gaṇabhojane aññaṭṭha samayā, pācittiyaṃ. Tatthāyaṃ samayo: gilānasamayo, cīvaradānasamayo, cīvarakārasamayo, addhānagamanasamayo, nāvābhirūhanasamayo,¹²⁶ mahāsamayo, samaṇabhattasamayo. Ayaṃ tattha samayo.

[119] Bhikkhuniṃ paneva kulaṃ upagataṃ pūvehi vā manthehi vā abhihaṭṭhuṃ pavāreyya, ākaṅkhamānāya bhikkhuniyā dvattipattapūrā paṭiggahetabbā; tato ce uttarim paṭigganheyya, pācittiyaṃ. Dvattipattapūre paṭiggahetvā tato nīharitvā bhikkhunihi saddhim saṃvibhajitabbam. Ayaṃ tattha sāmīci.

[120] Yā pana bhikkhunī vikāle khādanīyaṃ va bhojanīyaṃ vā khādeyya vā bhuñjeyya vā, pācittiyaṃ.

[121] Yā pana bhikkhunī sannidhikāraṃ khādanīyaṃ vā bhojanīyaṃ vā khādeyya vā bhuñjeyya vā, pācittiyaṃ.

[122] Yā pana bhikkhunī adinnaṃ mukhadvāraṃ āhāraṃ āhareyya aññaṭṭha udakadantaponā, pācittiyaṃ.

[123] Yā pana bhikkhunī bhikkhuniṃ evaṃ vadeyya:¹²⁷ Ehayye,¹²⁸ gāmaṃ vā nigamaṃ vā piṇḍāya pavississāmā ti, tassa dāpetvā vā adāpetvā vā uyyojeyya: Gacchayye,¹²⁹ na me tayā saddhim kathā vā nisajja vā phāsu hoti, ekakāya me kathā vā nisajja vā phāsu hoti ti, etadeva paccayaṃ karitvā anaññaṃ, pācittiyaṃ.

¹²² Sug: jānantī.

¹²³ CS, CJ: pubbugataṃ.

¹²⁴ CS: aggaḷa.

¹²⁵ Sug: jānantī.

¹²⁶ CS, Sug: -ruhaṇa-.

¹²⁷ CS, CJ omit evaṃ vadeyya.

¹²⁸ CS: ehāyye.

¹²⁹ CS: gacchāyye.

[124] Yā pana bhikkhunī sabhojanakule anupakhajja nisajjaṃ kappeyya, pācittiyaṃ.

[125] Yā pana bhikkhunī purisena saddhiṃ raho paṭicchanne āsane nisajjaṃ kappeyya, pācittiyaṃ.

[126] Yā pana bhikkhunī purisena saddhiṃ ekenekā raho nisajjaṃ kappeyya, pācittiyaṃ.

Bhojanavaggo dvādasamo

[127] Yā pana bhikkhunī nimantitā sabhattā samānā santiṃ bhikkhuniṃ anāpucchā purebhattaṃ vā pacchābhattaṃ vā kulesu cārittaṃ āpajjeyya aññatra samayā, pācittiyaṃ. Tatthāyaṃ samayo: cīvaradānasamayo, cīvarakārasamayo. Ayaṃ tattha samayo.

[128] Agilānāya bhikkhuniyā catumāsappaccayapavāraṇā sādītābbā aññatra punapavāraṇāya aññatra niccapavāraṇāya, tato ce uttariṃ sādīyeyya, pācittiyaṃ.

[129] Yā pana bhikkhunī uyyuttaṃ senaṃ dassanāya gaccheyya aññatra tathārūpappaccayā, pācittiyaṃ.

[130] Siyā ca tassa bhikkhuniyā kocideva paccayo senaṃ gamanāya dirattatirattaṃ tāya bhikkhuniyā senāya vasitabbaṃ; tato ce uttariṃ vaseyya, pācittiyaṃ.

[131] Dirattatirattaṃ ce bhikkhunī senāya vasamānā uyyodhikaṃ vā balaggaṃ vā senābyūhaṃ¹³⁰ vā anīkadassanaṃ¹³¹ vā gaccheyya, pācittiyaṃ.

[132] Surāmerayapāne, pācittiyaṃ.

[133] Aṅgulipatodake, pācittiyaṃ.

[134] Udaḥ hassadhamme,¹³² pācittiyaṃ.

[135] Anādariye, pācittiyaṃ.

[136] Yā pana bhikkhunī bhikkhuniṃ bhiṃsāpeyya, pācittiyaṃ.

Cārittavaggo terasamo

[137] Yā pana bhikkhunī agilānā visibbanāpekhā¹³³ jotim samādaheyya vā samādahāpeyya vā aññatra tathārūpapaccayā, pācittiyaṃ.

[138] Yā pana bhikkhunī orenaddhamāsaṃ nahāyeyya aññatra samayā pācittiyaṃ tatthāyaṃ samayo: diyaḍḍho māso seso gimhānan ti vassānassa paṭhamo māso, iccete aḍḍhateyyamāsā uṇhasamayo, pariḷāhasamayo, gilānasamayo, kammasamayo, addhānagamanasamayo, vātavutṭhisamayo. Ayaṃ tattha samayo.

[139] Navaṃ pana bhikkhuniyā cīvaralābhāya tiṇṇaṃ dubbaṇṇakaraṇānaṃ aññataraṃ dubbaṇṇakaraṇaṃ ādātābbaṃ: nīlaṃ vā kaddamaṃ vā kālasāmaṃ¹³⁴ vā, anādā ce bhikkhunī tiṇṇaṃ dubbaṇṇakaraṇānaṃ aññataraṃ dubbaṇṇakaraṇaṃ navaṃ cīvaraṃ paribhuñjeyya, pācittiyaṃ.

¹³⁰ CS, Cv, Mun: senābyuham

¹³¹ Mun & Per: anīkadassanaṃ

¹³² CS: hāsa-.

¹³³ Sug: visīvanāpekhā. CS, CJ: visibbanāpekkhā.

¹³⁴ Sug, Mun, Per: kāla-.

[140] Yā pana bhikkhunī bhikkhussa vā bhikkhuniyā vā sikkhamānāya vā sāmaṇerassa vā sāmaṇeriyā vā sāmaṇ cīvaraṃ vikappetvā appaccuddhāraṃ¹³⁵ paribhuñjeyya, pācittiyaṃ.

[141] Yā pana bhikkhunī bhikkhuniyā pattaṃ vā cīvaraṃ vā nisīdanaṃ vā sūcigharaṃ vā kāyabandhanaṃ vā apanidheyya vā apanidhāpeyya vā antamaso hassāpekhā¹³⁶ pi, pācittiyaṃ.

[142] Yā pana bhikkhunī sañcicca pāṇaṃ jīvitaṃ voropeyya, pācittiyaṃ.

[143] Yā pana bhikkhunī jānaṃ¹³⁷ sappanaṃ udakaṃ paribhuñjeyya, pācittiyaṃ.

[144] Yā pana bhikkhunī jānaṃ¹³⁸ yathādhammaṃ nihatādhikaraṇaṃ punakammāya ukkoṭeyya, pācittiyaṃ.

[145] Yā pana bhikkhunī jānaṃ¹³⁹ theyyasatthena saddhiṃ saṃvidhāya ekaddhānamaggaṃ paṭipajjeyya antamaso gāmantaraṃ pi, pācittiyaṃ.

[146] Yā pana bhikkhunī evaṃ vadeyya: Tathāhaṃ bhagavatā dhammaṃ desitaṃ ajānāmi yathā ye me antarāyikā dhammā vuttā bhagavatā te paṭisevato nālaṃ antarāyāyā ti sā bhikkhunī bhikkhunihi evaṃ assa vacanīyā: Māyye evaṃ avaca mā bhagavantaṃ abbhācikkhi na hi sādhu bhagavato abbhakkhānaṃ na hi bhagavā evaṃ vadeyya anekapariyāyena ayye¹⁴⁰ antarāyikā dhammā antarāyikā vuttā bhagavatā alaṅce pana te paṭisevato antarāyāyā ti. Tañce pana sā bhikkhunī bhikkhunihi vuccamānā tatheva paggaṇheyya sā bhikkhunī bhikkhunihi yāvatatiyaṃ samanubhāsitabbā tassa paṭinissaggāya, yāvatatiyaṃ ce samanubhāsiyamānā taṃ paṭinissajjeyya iccetaṃ kusalaṃ, no ce paṭinissajjeyya, pācittiyaṃ.

[147] Yā pana bhikkhunī jānaṃ¹⁴¹ tathāvādinīyā bhikkhuniyā akatānudhammāya¹⁴² taṃ diṭṭhiṃ appaṭinissatṭhāya saddhiṃ sambhujeyya vā saṃvāseyya vā saha vā seyyaṃ kappeyya, pācittiyaṃ.

[148] Samaṇuddesā pi ce evaṃ vadeyya: Tathāhaṃ bhagavatā dhammaṃ desitaṃ ajānāmi, yathā ye me antarāyikā dhammā vuttā bhagavatā te paṭisevato nālaṃ antarāyāyā ti sā samaṇuddesā bhikkhunihi evamassa vacanīyā: Māyye samaṇuddese¹⁴³ evaṃ avaca mā bhagavantaṃ abbhācikkhi na hi sādhu bhagavato abbhakkhānaṃ na hi bhagavā evaṃ vadeyya anekapariyāyena ayye¹⁴⁴ samaṇuddese antarāyikā dhammā antarāyikā vuttā bhagavatā alaṅca pana te paṭisevato antarāyāyā ti evañce sā samaṇuddesā bhikkhunihi vuccamānā tatheva paggaṇheyya sā samaṇuddesā bhikkhunihi evaṃ assa vacanīyā: Ajjatagge te ayye samaṇuddese na ceva so bhagavā satthā apadisitabbo yaṃ pi caññā samaṇuddesā labhanti bhikkhunihi saddhiṃ dirattatirattaṃ sahaseyyā sā pi te natthi cara pare¹⁴⁵ vinassā ti.

¹³⁵ CS, Cv: appaccuddhāraṇaṃ.

¹³⁶ Per, Mun: hassāpekho. Cv: hassāpekkho. CS: hassāpekkhā.

¹³⁷ Sug: jānanti.

¹³⁸ Sug: jānanti.

¹³⁹ Sug: jānanti.

¹⁴⁰ CS: anekapariyāyenāyye

¹⁴¹ Sug: jānanti.

¹⁴² CS: akatānudhammāya

¹⁴³ Mun and Per v.l.: mā samaṇuddese.

¹⁴⁴ CS: anekapariyāyenāyye

¹⁴⁵ CS, CJ: pire

Yā pana bhikkhunī jānaṃ¹⁴⁶ tathānāsitaṃ samaṇuddesaṃ upalāpeyya vā upaṭṭhāpeyya vā sambhuñjeyya vā saha vā seyyaṃ kappeyya, pācittiyaṃ.

*Jotivaggo catuddasamo*¹⁴⁷

[149] Yā pana bhikkhunī bhikkhunīhi sahadhammikaṃ vuccamānā evaṃ vadeyya: Na tāvāhaṃ ayye etasmim sikkhāpade sikkhissāmi yāva na aññaṃ bhikkhuniṃ byattaṃ vinayadharaṃ paripucchāmi ti pācittiyaṃ. Sikkhāmānāya bhikkhave bhikkhuniyā aññātabbaṃ paripucchitabbaṃ paripañhitabbaṃ. Ayaṃ tattha sāmīci.

[150] Yā pana bhikkhunī pātimokkhe uddissamāne evaṃ vadeyya: Kim panimehi khuddānukhuddakehi sikkhāpadehi uddiṭṭhehi, yāvadeva kukkucāya vihesāya vilekhāya saṃvattanti ti sikkhāpadavivaṇṇanake,¹⁴⁸ pācittiyaṃ.

[151] Yā pana bhikkhunī anvaddhamāsaṃ pātimokkhe uddissamāne evaṃ vadeyya: Idāneva kho ahaṃ ājānāmi¹⁴⁹ ayam pi kira dhammo suttāgato suttapariyāpanno anvaddhamāsaṃ uddesaṃ āgacchanti ti. Tañce bhikkhuniṃ aññā bhikkhuniyo jāneyyūṃ: Nisinnapubbaṃ imāya bhikkhuniyā dvattikkhattuṃ pātimokkhe uddissamāne kho pana vādo bhīyyo ti¹⁵⁰ na ca tassā bhikkhuniyā aññānakena mutti atthi yañca tattha āpattiṃ āpannā tañca yathādhammo kāretabbo¹⁵¹ uttariṃ cassā moho āropetabbo: Tassā te ayye alābhā tassā te dulladdhaṃ yaṃ tvaṃ pātimokkhe uddissamāne na sādhuṃ kaṃ atṭhikavā¹⁵² manasikarosi ti idaṃ tasmīṃ mohanake,¹⁵³ pācittiyaṃ.

[152] Yā pana bhikkhunī bhikkhuniyā kupitā anattamanā pahāraṃ dadeyya, pācittiyaṃ.

[153] Yā pana bhikkhunī bhikkhuniyā kupitā anattamanā talasattikaṃ uggireyya, pācittiyaṃ.

[154] Yā pana bhikkhunī bhikkhuniṃ amūlakena saṅghādisesena anuddhamseyya, pācittiyaṃ.

[155] Yā pana bhikkhunī bhikkhuniyā sañcicca kukkucāya upadaheyya: itissā muhuttaṃ pi aphāsu bhavissati ti etadeva paccayaṃ karitvā anaññaṃ. pācittiyaṃ.

[156] Yā pana bhikkhunī bhikkhunīnaṃ bhaṇḍanaajātānaṃ kalahajātānaṃ vivādāpannānaṃ upassutiṃ tiṭṭheyya. Yaṃ imā bhaṇissanti taṃ sossāmi ti etadeva paccayaṃ karitvā anaññaṃ, pācittiyaṃ.

*Diṭṭhivaggo*¹⁵⁴ paṇṇarasamo

[157] Yā pana bhikkhunī dhammikānaṃ kammānaṃ chandaṃ datvā pacchā khiyyanadhammaṃ¹⁵⁵ āpajjeyya, pācittiyaṃ.

[158] Yā pana bhikkhunī saṅghe vinicchayaṃ kathāya vattamānāya chandaṃ adatvā utṭhāyāsanaṃ pakkameyya, pācittiyaṃ.

¹⁴⁶ Sug: jānanti.

¹⁴⁷ CS, Cv, Mun put this conclusion after rule 146. CJ: cuddasamo.

¹⁴⁸ CS, Cv: sikkhāpadavivaṇṇanake

¹⁴⁹ CS, CJ: jānāmi.

¹⁵⁰ CS, Cv omit ti. Cv, Per, Mun: bhīyyo.

¹⁵¹ Sug: kāretabbā.

¹⁵² CS, Cv: atthiṃkatvā.

¹⁵³ Sug: tassaṃ mohanakāya.

¹⁵⁴ Per: saṃvāsavaggo.

¹⁵⁵ CS, Cv: khiyana-.

[159] Yā pana bhikkhunī samaggena saṅghena cīvaram datvā pacchā khiyyanadhammam¹⁵⁶ āpajjeyya yathāsanthutam bhikkhuniyo saṅghikaṃ lābham pariṇāmenti ti, pācittiyam.

[160] Yā pana bhikkhunī jānam saṅghikaṃ lābham pariṇatam puggalassa parināmeyya, pācittiyam.

[161] Yā pana bhikkhunī ratanam vā ratanasammataṃ vā aññatra ajjhāramā vā ajjhāvasathā vā uggaṇheyya vā uggaṇhāpeyya vā pācittiyam. Ratanam vā pana bhikkhuniyā ratanasammataṃ vā ajjhārāme vā ajjhāvasathā vā uggahetvā vā uggaṇhāpetvā¹⁵⁷ vā nikkhipitabbam: Yassa bhavissati, so harissati ti. Ayaṃ tattha sāmīci.

[162] Yā pana bhikkhunī aṭṭhimayaṃ vā dantamayaṃ vā visāṇamayaṃ va sūcigharam vā kārāpeyya, pācittiyam.

[163] Yā pana bhikkhuniyā mañcam vā piṭham va kārayamānāya aṭṭhaṅgulapādakaṃ karetabbam sugataṅgulena aññatra hetṭhimāya aṇaniyā tam atikkāmentiyā chedanakaṃ pācittiyam.

[164] Yā pana bhikkhunī mañcam vā piṭham vā tūlonaddham¹⁵⁸ kārāpeyya uddālanakaṃ pācittiyam.

[165] Kaṇḍupaṭicchādiṃ pana bhikkhuniyā kārayamānāya pamāṇikā karetabbā. Tatridaṃ pamāṇam dīghaso cataso vidatthiyo sugatavidatthiyā tiriyaṃ dve vidatthiyo tam atikkāmentiyā chedanakaṃ pācittiyam.

[166] Yā pana bhikkhunī sugatacīvarappamāṇam cīvaram kārāpeyya atirekam vā chedanakaṃ pācittiyam. Tatridaṃ sugatassa sugatacīvarappamāṇam: dīghaso nava vidatthiyo sugatavidatthiyā, tiriyaṃ cha vidatthiyo. Idaṃ sugatassa sugatacīvarappamāṇam.

Dhammikavaggo soḷasamo

Uddiṭṭhā kho ayyāyo chasaṭṭhisatā pācittiyā dhammā. Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evame tam dhārayāmi ti.

Chasaṭṭhisatā pācittiyā niṭṭhitā

[Pāṭidesanīyā]

Ime kho panayyāyo aṭṭha pāṭidesanīyā dhammā uddesaṃ āgacchanti.

[1] Yā pana bhikkhunī agilānā sappiṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, tam paṭidesemī ti.

[2] Yā pana bhikkhunī agilānā telaṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, tam paṭidesemī ti.

[3] Yā pana bhikkhunī agilānā madhuṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, tam paṭidesemī ti.

[4] Yā pana bhikkhunī agilānā phāṇitaṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, tam paṭidesemī ti.

¹⁵⁶ CS, Cv: khiyana-.

¹⁵⁷ CS, Cv: uggahāpetvā.

¹⁵⁸ CS, Cv: tūlonaddham.

[5] Yā pana bhikkhunī agilānā macchaṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, taṃ paṭidesemī ti.

[6] Yā pana bhikkhunī agilānā maṃsaṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, taṃ paṭidesemī ti.

[7] Yā pana bhikkhunī agilānā khīraṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, taṃ paṭidesemī ti.

[8] Yā pana bhikkhunī agilānā dadhiṃ viññāpetvā bhuñjeyya, paṭidesetabbaṃ tāya bhikkhuniyā: Gārayhaṃ ayye dhammaṃ āpajjiṃ asappāyaṃ pāṭidesanīyaṃ, taṃ paṭidesemī ti.

Uddiṭṭhā kho ayyāyo aṭṭha pāṭidesanīyā dhammā. Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evaṃ etaṃ dhārayāmī ti.

Pāṭidesanīyā niṭṭhitā¹⁵⁹

[Sekhiyā]

Ime kho panayyāyo sekhiyā dhammā uddesaṃ āgacchanti

- [1] Parimaṇḍalaṃ nivāsessāmī ti sikkhā karaṇīyā.
- [2] Parimaṇḍalaṃ pārūpissāmī ti sikkhā karaṇīyā.
- [3] Supaṭicchannā antaraghare gamissāmī ti sikkhā karaṇīyā.
- [4] Supaṭicchannā antaraghare nisīdissāmī ti sikkhā karaṇīyā.
- [5] Susaṃvutā antaraghare gamissāmī ti sikkhā karaṇīyā.
- [6] Susaṃvutā antaraghare nisīdissāmī ti sikkhā karaṇīyā.
- [7] Okkhittacakkhunī¹⁶⁰ antaraghare gamissāmī ti sikkhā karaṇīyā.
- [8] Okkhittacakkhunī antaraghare nisīdissāmī ti sikkhā karaṇīyā.
- [9] Na ukkhittakāya antaraghare gamissāmī ti sikkhā karaṇīyā.
- [10] Na ukkhittakāya antaraghare nisīdissāmī ti sikkhā karaṇīyā.

Parimaṇḍalavaggo paṭhamo

- [11] Na ujjagghikāya antaraghare gamissāmī ti sikkhā karaṇīyā.
- [12] Na ujjagghikāya antaraghare nisīdissāmī ti sikkhā karaṇīyā.
- [13] Appasaddā antaraghare gamissāmī ti sikkhā karaṇīyā.
- [14] Appasaddā antaraghare nisīdissāmī ti sikkhā karaṇīyā.
- [15] Na kāyappacālakaṃ antaraghare gamissāmī ti sikkhā karaṇīyā.
- [16] Na kāyappacālakaṃ antaraghare nisīdissāmī ti sikkhā karaṇīyā.
- [17] Na bāhuppacālakaṃ antaraghare gamissāmī ti sikkhā karaṇīyā.
- [18] Na bāhuppacālakaṃ antaraghare nisīdissāmī ti sikkhā karaṇīyā.

¹⁵⁹ Cv: aṭṭha pāṭidesanīyā niṭṭhitā. Sug: pāṭidesanīyā.

¹⁶⁰ Sug: -cakkhūnī. Per, Mun: -cakkhu.

[19] Na sīsappacālakaṃ antaraghare gamissāmī ti sikkhā karaṇīyā.

[20] Na sīsappacālakaṃ antaraghare nisīdissāmī ti sikkhā karaṇīyā.

Ujjagghikavaggo dutiyo

[21] Na khambhakatā antaraghare gamissāmī ti sikkhā karaṇīyā.

[22] Na khambhakatā antaraghare nisīdissāmī ti sikkhā karaṇīyā.

[23] Na oḡuṇṭhitā antaraghare gamissāmī ti sikkhā karaṇīyā.

[24] Na oḡuṇṭhitā antaraghare nisīdissāmī ti sikkhā karaṇīyā.

[25] Na ukkuṭikāya antaraghare gamissāmī ti sikkhā karaṇīyā.

[26] Na pallatthikāya antaraghare nisīdissāmī ti sikkhā karaṇīyā.

[27] Sakkaccaṃ piṇḍapātaṃ paṭiggahessāmī ti sikkhā karaṇīyā.

[28] Pattasaññī¹⁶¹ piṇḍapātaṃ paṭiggahessāmī ti sikkhā karaṇīyā.

[29] Samasūpakaṃ piṇḍapātaṃ paṭiggahessāmī ti sikkhā karaṇīyā.

[30] Samatittikaṃ¹⁶² piṇḍapātaṃ paṭiggahessāmī ti sikkhā karaṇīyā.

Khambhakatavaggo tatiyo

[31] Sakkaccaṃ piṇḍapātaṃ bhuñjissāmī ti sikkhā karaṇīyā.

[32] Pattasaññī¹⁶³ piṇḍapātaṃ bhuñjissāmī ti sikkhā karaṇīyā.

[33] Sapadānaṃ piṇḍapātaṃ bhuñjissāmī ti sikkhā karaṇīyā.

[34] Samasūpakaṃ piṇḍapātaṃ bhuñjissāmī ti sikkhā karaṇīyā.

[35] Na thūpato¹⁶⁴ omadditvā piṇḍapātaṃ bhuñjissāmī ti sikkhā karaṇīyā.

[36] Na sūpaṃ vā vyañjanaṃ¹⁶⁵ vā odanena paṭicchādessāmī bhiyyokamyataṃ upādāyā ti sikkhā karaṇīyā.

[37] Na sūpaṃ vā vyañjanaṃ vā¹⁶⁶ odanaṃ vā agilāno attano atthāya viññāpetvā bhuñjissāmī ti sikkhā karaṇīyā.

[38] Na ujjhānasaññī¹⁶⁷ paresaṃ pattaṃ olokessāmī ti sikkhā karaṇīyā.

[39] Nātimahantaṃ kabalaṃ¹⁶⁸ karissāmī ti sikkhā karaṇīyā.

[40] Parimaṇḍalaṃ ālopaṃ karissāmī ti sikkhā karaṇīyā.

Sakkaccavaggo catuttho

[41] Na anāhaṭe kabale mukhadvāraṃ vivarissāmī ti sikkhā karaṇīyā.

¹⁶¹ CS: -saññinī.

¹⁶² CS: -tittikaṃ

¹⁶³ CS: -saññinī.

¹⁶⁴ CS: thūpakato.

¹⁶⁵ CS: byañjanaṃ.

¹⁶⁶ CS omits: vyañjanaṃ vā.

¹⁶⁷ CS: saññinī.

¹⁶⁸ CS: kabalaṃ.

[42] Na bhuñjamāno sabbaṃ hatthaṃ¹⁶⁹ mukhe pakkhipissāmī ti sikkhā karaṇīyā.

[43] Na sakabalena mukhena byāharissāmī ti sikkhā karaṇīyā.

[44] Na piṇḍukkhepakāṃ bhuñjissāmī ti sikkhā karaṇīyā.

[45] Na kabalāvacchedakāṃ bhuñjissāmī ti sikkhā karaṇīyā.

[46] Na avagaṇḍakārakāṃ bhuñjissāmī ti sikkhā karaṇīyā.

[47] Na hatthaniddhūnakāṃ¹⁷⁰ bhuñjissāmī ti sikkhā karaṇīyā.

[48] Na sitthāvakārakāṃ bhuñjissāmī ti sikkhā karaṇīyā.

[49] Na jivhānicchārakāṃ bhuñjissāmī ti sikkhā karaṇīyā.

[50] Na capucapukārakāṃ bhuñjissāmī ti sikkhā karaṇīyā.

Kabalavaggo pañcamo

[51] Na surusurukārakāṃ bhuñjissāmī ti sikkhā karaṇīyā.

[52] Na hatthanillehakāṃ bhuñjissāmī ti sikkhā karaṇīyā.

[53] Na pattanillehakāṃ bhuñjissāmī ti sikkhā karaṇīyā.

[54] Na oṭṭhanillehakāṃ bhuñjissāmī ti sikkhā karaṇīyā.

[55] Na sāmisenā hatthena pāṇiyathālakaṃ paṭiggahessāmī ti sikkhā karaṇīyā.

[56] Na sasitthakaṃ pattadhovanaṃ antaraghare chaḍḍessāmī ti sikkhā karaṇīyā.

[57] Na chattapāṇissa agilānassa dhammaṃ desissāmī¹⁷¹ ti sikkhā karaṇīyā.

[58] Na daṇḍapāṇissa agilānassa dhammaṃ desissāmī ti sikkhā karaṇīyā.

[59] Na satthapāṇissa agilānassa dhammaṃ desissāmī ti sikkhā karaṇīyā.

[60] Na āyudhapāṇissa¹⁷² agilānassa dhammaṃ desissāmī ti sikkhā karaṇīyā.

Surusuruvaggo chaṭṭho

[61] Na pādukāruḷhassa¹⁷³ agilānassa dhammaṃ desissāmī ti sikkhā karaṇīyā.

[62] Na upāhanāruḷhassa¹⁷⁴ agilānassa dhammaṃ desissāmī ti sikkhā karaṇīyā.

[63] Na yānatatassa agilānassa dhammaṃ desissāmī ti sikkhā karaṇīyā.

[64] Na sayanatatassa agilānassa dhammaṃ desissāmī ti sikkhā karaṇīyā.

[65] Na pallatthikāya nisinnassa agilānassa dhammaṃ desissāmī ti sikkhā karaṇīyā.

[66] Na veṭṭhitasāsassa agilānassa dhammaṃ desissāmī ti sikkhā karaṇīyā.

[67] Na oḡuṇṭhitasāsassa agilānassa dhammaṃ desissāmī ti sikkhā karaṇīyā.

[68] Na chamāya¹⁷⁵ nisīditvā āsane nisinnassa agilānassa dhammaṃ desissāmī ti sikkhā karaṇīyā.

¹⁶⁹ CS: sabbahatthaṃ.

¹⁷⁰ CS: -niddhunakaṃ.

¹⁷¹ CS: desessāmī. (Throughout.)

¹⁷² CS: āvudha-.

¹⁷³ Per, Mun: -rūḷhassa.

¹⁷⁴ Per, Mun: -rūḷhassa.

¹⁷⁵ CS: chamāyaṃ

[69] Na nīce āsane nisīditvā ucce āsane nisinnassa agilānassa dhammaṃ desissāmī ti sikkhā karaṇīyā.

[70] Na ʔhitā nisinnassa agilānassa dhammaṃ desissāmī ti sikkhā karaṇīyā.

[71] Na pacchato gacchantī purato gacchantassa agilānassa dhammaṃ desissāmī ti sikkhā karaṇīyā.

[72] Na uppathena gacchantī pathena gacchantassa agilānassa dhammaṃ desissāmī ti sikkhā karaṇīyā.

[73] Na ʔhitā agilānā uccāraṃ vā passāvaṃ vā karissāmī ti sikkhā karaṇīyā.

[74] Na harite agilānā uccāraṃ vā passāvaṃ vā khelaṃ¹⁷⁶ vā karissāmī ti sikkhā karaṇīyā.

[75] Na udake agilāno uccāraṃ vā passāvaṃ vā khelaṃ vā karissāmī ti sikkhā karaṇīyā.

Pādukāvaggo sattamo

Uddiṭṭhā kho ayyāyo sekhiyā dhammā. Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evaṃ etaṃ dhārayāmī ti.

Sekhiyā¹⁷⁷ niṭṭhitā¹⁷⁸

[Adhikaraṇasamathā]

Ime kho panayyāyo satta adhikaraṇasamathā¹⁷⁹ dhammā uddesaṃ āgacchanti,

Uppannupannānaṃ adhikaraṇānaṃ samathāya vūpasamāya [1] sammukhāvinayo dātabbo, [2] sativinayo dātabbo, [3] amūlḥavinayo dātabbo, [4] paṭiññāya kāretabbaṃ,¹⁸⁰ [5] yebhuyyasikā, [6] tassapāpiyyasikā,¹⁸¹ [7] tiṇavatthārako ti.

Uddiṭṭhā kho ayyāyo satta adhikaraṇasamathā¹⁸² dhammā. Tatthayyāyo pucchāmi, kaccittha parisuddhā? Dutiyampi pucchāmi, kaccittha parisuddhā? Tatiyampi pucchāmi, kaccittha parisuddhā? Parisuddhetthayyāyo, tasmā tuṇhī; evameṭaṃ dhārayāmī ti.

Adhikaraṇasamathā niṭṭhitā¹⁸³

Uddiṭṭhaṃ kho ayyāyo nidānaṃ; uddiṭṭhā aṭṭha pārājikā dhammā; uddiṭṭhā sattarasa saṅghadisesā dhammā; uddiṭṭhā tiṃsa nissaggiyā pācittiyā dhammā; uddiṭṭhā chasaṭṭhisatā pācittiyā dhammā; uddiṭṭhā aṭṭha pāṭidesanīyā dhammā; uddiṭṭhā sekhiyā¹⁸⁴ dhammā; uddiṭṭhā satta adhikaraṇasamathā¹⁸⁵ dhammā—

ettakaṃ tassa bhagavato suttagataṃ suttapariyāpannaṃ anvaddhamāsaṃ uddesaṃ āgacchati. Tattha sabbāheva samaggāhi sammodamānāhi avivadamānāhi sikkhitabban ti.

¹⁷⁶ CS: khelaṃ. (Also in next rule.)

¹⁷⁷ Mun, Sug: sekhiyā.

¹⁷⁸ Sug: Sekhiyā. Cv: Pañcasattati sekhiyā niṭṭhitā.

¹⁷⁹ Mun, Per: sattādhikaraṇasamathā.

¹⁸⁰ Sug: kāretabbo.

¹⁸¹ CS: -pāpiyasikā. Per, Mun: pāpiyasikā.

¹⁸² Mun, Per: sattādhikaraṇasamathā.

¹⁸³ Sug, just: adhikaraṇasamathā.

¹⁸⁴ Sug, Mun, Per: (pañcasattati) sekhiyā.

¹⁸⁵ Mun, Per: sattādhikaraṇasamathā.

Vitthāruddeso¹⁸⁶
Bhikkhunīpātimokkhaṃ niṭṭhitaṃ

¹⁸⁶ CS: vitthāruddeso catuttho.